

倚

聲

初

集

何聲初集目次

武進鄒祗謨程邨

全選

新城王士禎阮亭

益都畢忠吉淄湄叅定

小令 共十卷

卷一 十四字至三十三字計三十體選二百三十四首

竹枝 第一體
四首

十六字令 一首

閒中好 一首

明月斜 一首

荷葉杯 第一體
二首

南歌子 第一體
一首

三臺令 二首

花非花 一首

南歌子 第二體
三首

荷葉杯 第二體
三首

摘得新 二首

南鄉子 第一體
一首

望江南

第一體
五十首

漁歌子

九首

搗練子

十三首

桂殿秋

一首

赤棗子

一首

瀟湘神

二首

天淨沙

一首

南鄉子

第二體
六首

字字雙

一首

南鄉子

第三體
三首

江南春

一首

憶王孫

七首

一葉落

二首

蕃女怨

二首

遐方怨

一首

調笑令

第一體
一首

西溪子

第一體
二首

訴衷情

第一體
二首

卷二

二十字至四十一字計二十七體選一百二十四首

如夢令

三十四首

天仙子

二首

風流子

第一體
一首

歸自謠

五首

望江怨

二首

江城子

一首

定西蕃

一首

思帝鄉

一首

長相思

二十一首

相見懽

二首

河滿子

第一體
二首

訴衷情

第二體
一首

調笑令

第二體
二首

醉太平

第一體
四首

薄命女

二首

感恩多

一首

生查子

第一體
十三首

酒泉子

一首

醉公子

九首

蝴蝶兒

一首

柳枝

第二體
三首

昭君怨

五首

春光好

三首

生查子

第二體
二首

女冠子

第一體
三首

玉蝴蝶

一首

醉花間

一首

卷三

四十一字至四十三字計九體選一百二十一首

點絳脣

三十三首

浣溪紗

八十一首

紗窗恨

一首

中興樂

一首

愁倚欄令

一首

酒泉子

第二體
一首

清商怨

一首

歸國遙

一首

霜天曉角

一首

卷四

四十四字計六體選一百八首

菩薩蠻

八十三首

訴衷情

第四體
五首

卜算子

十四首

巫山一段雲

二首

後庭花

二首

添字昭君怨

二首

卷五

四十四字至四十六字計十四體選九十九首

醜奴兒令

十一首

減字木蘭花

二十九首

好事近

七首

謁金門

十一首

柳含烟

第一體
二首

華清引

一首

醉太平

第二體
二首

憶秦娥

第二體
七首

萬里春

一首

清平樂

十三首

占春芳

二首

一落索

一首

誤佳期

二首

更漏子

七首

卷六

四十六字至四十八字計十八體選一百零三首

相思引 一首

相思兒令 一首

荊州亭 一首

眉峰碧 二首

甘草子 三首

聖無憂 一首

阮郎歸 十八首

玉聯環 第一體 二首

喜遷鶯 第一體 一首

畫堂春 十二首

錦堂春 六首

海棠春 九首

武陵春 四首

山花子 十九首

眼兒媚 十八首

賀聖朝 一首

朝中措 四首

秋蕊香 一首

卷七 四十八字至五十字計十九體選九十六首

桃源憶故人 十七首

燭影搖紅 第一體 一首

三字令 三首

西地錦 一首

鬲溪梅令 一首

太常引 二首

柳稍青 九首

極相思 一首

陽臺夢 一首

醉鄉春 一首

應天長 第一體 二首

惜分飛 第二體 二十五首

憶漢月 三首

月中行 一首

西江月 第一體 二十一首

留春令 二首

燕歸梁 第一體 二首

茶瓶兒 一首

雙調荷葉杯 一首

卷八 五十字至五十二字計三十七體選一百首

偷聲木蘭花 四首

滿宮花 二首

少年遊 第一體 十一首

少年遊 第二體 六首

瑤池燕 二首

思越人 三首

思遠人 一首

河傳 第一體 二首

河傳 第二體 二首

醉花陰 二十首

南歌子 第三體 四首

憶餘杭 一首

望江東 三首

迎春樂 一首

蕤芳草 四首

探春令 二首

玉團兒 一首

雨中花 第一體
五首

青門引 一首

木蘭花 第一體
二首

醉紅妝 二首

紅窗聽 一首

望遠行 第一體
一首

怨王孫 一首

上林春令 一首

河傳 第三體
一首

河傳 第四體
一首

河傳 第五體
一首

河傳 第六體
一首

河傳 第七體
一首

河傳 第八體
一首

河傳 第九體
一首

杏花天 四首

雨中花 第二體
三首

臨江仙 第一體
一首

紅窗睡 二首

摘紅英 一首

九卷 五十四字至五十六字計十六體選一百零九首

雙調望江南 十首

浪淘沙 二十六首

江月晃重山 一首

減字南鄉子 二首
一七令 一首
河傳 第十體 二首

河傳 第十一體 一首
河傳 第十二體 一首
雨中花 第三體 一首

芳草渡 第一體 一首
鷓鴣天 二十三首
虞美人 三十二首

玉樓春 六首
木蘭花令 三首
步蟾宮 一首

十卷 五十六字至五十八字計二十體選一百十二首

南鄉子 第三體 二十四首
鵲橋仙 十二首
雨中花 第四體 三首

夜行船 一首
春去也 一首
採蓮子 一首

河轉 一首
醉落魄 十六首
梅花引 一首

夜遊宮 一首
河傳 第十四體 一首
踏莎行 三十四首

小重山 十一首
惜分釵 二首
臨江仙 第二體 二首

臨江仙

第三體
一首

東坡引
一首

虞美人

第二體
一首

紅窗迥

第一體
一首

七娘子

一首

小令共計二百六體共選一千一百十六首

倚聲初集目次

武進紹顏謨程邨

全選

新城王士禎阮亭

沈丘王養晦鹿洞叅定

中調 共四卷

卷十一 六十字計八體選一百零四首

臨江仙 第四體

二十五首

蝶戀花 六十三首

後庭宴 一首

釵頭鳳 二首

攤破醜奴兒 一首

唐多令 八首

蘇幕遮 第一體

三首

繫裙腰 一首

卷十二 六十字至六十七字計二十四體選九十九首

錦帳春 三首

一剪梅 十七首

遐方怨 一首

漁家傲 十五首

定風波 三首

金蕉葉 一首

蘇幕遮 第二體 十九首

破陣子 二首

青杏兒 一首

落燈風 一首

鳳啣杯 一首

醉春風 四首

解佩令 第一體 一首

風中柳 第一體 二首

酷相思 二首

品令 一首

芭蕉雨 一首

淡黃柳 一首

聲聲令 一首

風中柳 第二體 八首

行香子 五首

解佩令 第二體 六首

錦纏道 二首

鳳凰閣 一首

卷十三 六十七字至七十六字計二十五體選八十四首

青玉案 二十首

看花回 一首

感皇恩 二首

三萼子 一首

兩同心 三首

天仙子 第二體 七首

殢人嬌 一首

小桃紅 二首

江神子 第二體 八首

月上海棠 一首

千秋歲 十首

離亭燕 三首

惜奴嬌 一首

粉蝶兒 一首

西施 一首

帥師令 一首

隔浦蓮近拍 一首

隔簾聽 一首

百媚娘 八首

傳言玉女 三首

河滿子 一首

訴衷情近 一首

越溪春 二首

風入松 第二體 三首

婆羅門引 一首

卷十四 七十六字至九十二字計四十五體選七十九首

于飛樂 第二體 一首

剔銀燈 二首

御街行 第一體 一首

拍闌干 一首

撲蝴蝶 二首

祝英臺近 七首

一叢花 三首

送入我門來 三首

御街行 第二體一首

金人捧露盤 四首

山亭柳 一首

紅林擒近 一首

踏青游 二首

柳初新 一首

最高樓 二首

鬪百花 一首

瓜茉莉 一首

驀山溪 九首

千秋歲引 一首

過澗歇 一首

洞仙歌 第一體二首

述仙引 一首

滿路花 一首

蕙蘭芳引 三首

秋夜月 一首

霜天曉角 二首

洞仙歌 第二體一首

簇水 一首

華胥引 一首

恩愛深 一首

江城梅花引 二首

玉人歌 一首

惜紅衣 一首

八六子 一首

魚遊春水 二首

愁春未醒 二首

一枝花 一首

謝池春慢 一首

鵲踏花 二首

宣清 一首

醉翁操 一首

意難忘 二首

塞翁吟 一首

法曲獻仙音 一首

絳都春 第一體 一首

中調共計一百二體共選三百六十四首

倚聲初集目次

武進鄒祇謨程邨

全選

新城王士禛阮亭

曲周劉佑雲麓叅定

長調

共六卷

卷十五

九十三字至九十四字計十體選七十九首

滿江紅

四十七首

臨江仙

第六體一首

掃花遊

一首

陽臺路

一首

尾犯

二首

惜秋華

一首

玉燭新

二首

金浮圖

一首

水調歌頭

十首

滿庭芳

十六首

卷十六 九十四字至一百字詩四十九體選六十九首

鳳凰臺上憶吹簫 四首

燭影搖紅 五首

塞垣春 一首

漢宮春 二首

天香 一首

夢揚州 一首

帝臺春 二首

醉蓬萊 一首

夏初臨 一首

暗香 一首

倦尋芳 二首

聲聲慢 三首

雨中花慢 一首

慶清朝慢 二首

長亭怨慢 一首

八聲甘州 一首

雙雙燕 二首

揚州慢 一首

緒停針 一首

孤鸞 一首

珍珠簾 一首

黃河清慢 一首

月下笛 二首

燕山亭 一首

八節長歡 一首

玉蝴蝶 三首

三部樂 一首

丁香結 一首

鎖窗寒 二首

三姝媚 一首

長相思慢 一首

玲瓏四犯 第一體一首

催雪 一首

金菊對芙蓉 一首

閨怨無悶 一首

高陽臺 二首

蓮佛閣 一首

渡江雲 一首

萬年懽 一首

琵琶仙 一首

絳都春 第二體一首

東風第一枝 三首

真珠簾 一首

春夏兩相期 一首

換巢鸞鳳 一首

月華清 一首

解語花 一首

夜合花 一首

雙頭蓮 一首

卷十七

一百字至一百二字計二十二體選七十五首

念奴嬌 三十一首

曲遊春 一首

憶舊游 一首

看花週一首

桂枝香四首

月當廳一首

木蘭花慢二首

瑞雪濃慢一首

玲瓏四犯第二體二首

翠樓吟一首

瑤花一首

水龍吟十四首

瑞鶴仙一首

莊椿歲一首

畫錦堂二首

宴清都一首

齊天樂四首

倒犯一首

花犯一首

石州慢三首

安公子一首

卷十八

一百二字至一百八字計三十二體選六十九首

拜星月慢三首

戀芳春慢一首

南浦二首

雨霖鈴一首

曲玉管一首

金盞子一首

綺羅香八首

霓裳中序第一一首
春雲怨一首

安平樂慢 一首

喜遷鶯 四首

竹馬兒 一首

眉嫵 一首

永遇樂 七首

瀟湘逢故人慢 一首

歸朝歡 一首

花心動 三首

春從天上來 一首

二郎神 五首

花發沁園春 一首

西河 一首

合歡帶 二首

菩薩蠻慢 一首

望遠行 第四體 三首

泛清波摘遍 一首

望梅 二首

望海潮 四首

望湘人 一首

夜飛鵲 一首

一萼紅 二首

薄倖 五首

擊梧桐 一首

卷十九 一百八字至一百十六字計二十一體選七十首

惜黃花慢 一首

一寸金 一首

憶瑤姬 一首

疎影 一首

大聖樂 一首

風流子 十一首

霜葉飛 二首

江南春 一首

離別難 第二體 一首

小梅花 一首

透碧窗 一首

女冠子 一首

過秦樓 五首

玉山枕 一首

蘇武慢 四首

洞庭春色 一首

輪臺子 一首

沁園春 三十二首

丹鳳吟 一首

八歸 一首

集賢賓 一首

卷二十一 一百十六字至二百三十二字計三十三體選六

賀新郎 三十三首

摸魚兒 六首

鳳歸雲 一首

洞仙歌 第三體 一首

送征衣 一首

金明池 二首

夏雲峯 第二體 一首

水慢聲 一首

白苧 一首

春風裊娜 一首

綠頭鴨 一首

畫屏秋色 一首

翠羽吟 一首

引駕行 一首

十二時 三首

蘭陵王 二首

大酺 一首

瑞龍吟 一首

浪淘沙慢 一首

西平樂 一首

玉女搖仙佩 一首

多麗 四首

六醜 一首

夜半樂 一首

六州歌頭 一首

小諾皋 二首

寶鼎現 二首

怨朱絃 一首

三臺 一首

拋球樂 一首

哨遍 二首

戚氏 一首

鶯啼序 一首

長調共計一百六十五體共選四百三十四首

竹聲初集

月次張調

袁綠漁人

倚聲初集卷

武進鄒祇謨程邨

新城王士禎阮亭

全選

常州董以寧文友叅閱

小令一

竹枝

平仄二體

一名巴渝辭

巴江辭

俞彥

白鹽山下

竹枝白板扉

女兒錦江城畔

竹枝錦雞飛

兒女

巴童愛唱

竹枝巴渝曲

女兒巫神夜歸

竹枝巫廟宿

兒女

不行朝雲

竹枝行暮雨

女兒子規西來

竹枝泣相語

兒女

詩聲初集

宋一小令

黃陵寺裏

竹枝夜間鐘

兒女鳥鳴猿啼

竹枝都為儂

見女

阮亭云仲茅竹枝數闋音

調神色無一不令
猶是劉賓客遺響

十六字令

一名絳州春

咏燕

張野

癡女子開簾放燕飛無一會又是想他歸

淡寫無聊景
光如見其人

開中好

平仄二體

閨人銷夏

董以寧

開中好茉莉香中坐珠汗怕沾紗紅絨莫繡花

倚極○文友
填詞染筆稱

俊珠帶玉塵無非瓊瑤毛馳黃謂揚川修詞有沐
蘭洛芳吐雲含雪之妙將無詞有別腸斯言益信

明月斜

一名落月斜

閨嘆

董以寧

玳瑁床。珊瑚枕。火照香幃空。自憐銀虱水。瀉分明聽。

荷葉盃 第一體

風起

蔣 階

桃葉渡頭風起。雪裏浪花寒。綠蘋雙槳棹歌急。隔岸謝娘船。

麗整是溫尉諸調。此體花間集本隔句兩字用韻。雖係譜第五句不斷兩字非也。大約代遠調。難協。歌管就譜填詞。不無舟劍相左。安得磴磴成譜。便矢口協律耶。

所見

陳維崧

突遇茶蘼絕艷幽。店早爐邊春城村。築花壇。拈麗殺酒旗天。

此等屬其年少作。矜與詭艷。從昌谷西崑古詩中變出。

南歌子 第一體

賦艷

蔣階

暫脫盤龍髻、閒停小轎車、同去浣溪紗、溪邊梔子樹、認儂家。

三臺令 一名翠華引 又三臺 宮中三臺 江南三臺

七夕

蔣階

玉案淺浮朱、李銀瓶、斜插紅蓮、不同天孫乞巧、只願郎常少年。
支機集本做花間、刻遺宋調、綴詞悉有調、無題
余爲摘註標目、以便賞音、諱諸子不嫌蛇足耳。

花非花

古意

計南陽

同心花合歡樹、四更風、五更雨、畫眉山上、鷓鴣啼、畫眉山下、郎。

君去

阮亭云直作
古樂府讀

南歌子 第二體

閨夜

張淵懿

篆冷香魂去。花輕月影添。夜闌挑閣剪燈寒。剛是小鬟低語下。

珠簾

此時
可想

春詞

周積賢

玉篆沉鳬永。金鋪小鳳斜。杜娘無力繡春紗。閒倚綠萍池畔數。

桃花

阮亭云閒
情泥人

春暮

錢理

怕對韓憑魄。愁聽蜀帝魂。柳綿吹盡閉朱門。斜倚鳳花簫局度。

黃昏

陰麗華有倒鳳梨花
蕭局卽古薰籠也

荷葉盃 第二體

無題

俞彥

春色天涯孤館悵。惋○纔○到○小○屏○山○雙○成○不○解○便○相○看○還○摩○還○還○

摩還

少卿填詞持論極嚴且以刻燭底叫爲奇不無率語至
其清濁抑揚備審源委不趨佻險而尊雅澹獨見典刑

春語

徐士俊

何事一春離別休說枝上有黃鶯。叫○得○棠○梨○睡○不○成○聽○摩○聽○聽○

摩聽

美人藏鈎

錢璵

好把綠珠相擬。蓮○子○纖○手○誰○將○來○笑○問○檀○郎○是○幾○枚○猜○摩○猜○猜○

摩猜

疊語足上
恰自然

摘得新

夜合

呂福生

夜合花連枝插、鬢鴉繡窗人獨倚、妍天涯、夜來妬殺花枝、令碎、
揉他。

倚樓

蔣階

倚畫樓、輕輕歌、莫愁、
瓠環紅匝、袖弄笙篳、憑他絃上、鴛鴦縷繫。

郎舟

誕得
妙

南鄉子
第一體

送別

王士禎

送客江船孤帆點點沒天邊却上高樓臨極浦日暮一綫春流如碧玉

叶

短體厭瑣正以此超截掩映不測爲長○阮亭詞畧註既新綺可方世說評復雅當不減須溪選中

多仍原本以見傾倒之至

欲去難留蜻蛉一葉木蘭舟細語離觴人竟去何處新婦機頭

煙水綠

叶

阮亭二詞俱本中州韻蘊藉處真堪壓倒溫韋

望江南

單調

一名憶江南

又夢江南

夢江口

謝

秋娘

夢游江

望江梅

滇南好

憶長安

咏所見

俞彥

流盼處相對兩峯尖扇底不防明月上輕衫微動晚風纖聊復爲郎淹

江南憶

魏浣初

江南憶第一憶梅坡月下簾支苦茗立雪中笠帶矮驢馱伴個

小頭陀

朱詩
佳處

江南憶美味憶江鮮刀鱗霜鱗婁水鱖河豚雪乳福山船齊到

試燈前

可備竹
技一則

中秋十憶

有序

鄒嘉生

自昔錢瑄聖祐以長史謫戍保安作元宵五憶詞寄望江南後無步響者蓋三百年來江南宦遊此地者絕少余邈處荒塞忽度中秋客心轉急少陵有益丹之句東坡生繞匝之悲賦亂哀鴻夜喧殘角不知此夕爲何夕也遂廣其詞作中

秋十憶

中秋景孤暑寂燈籠敗葉滿樓饑蝠亂殘尊耐火小奚慙兒女

憶江南

中秋景蘆管聽難堪。勞粟叫霜霜到骨。琵琶彈月月辭嵐。歌管
憶江南。

此先伯壬申備兵懷陰時作也。高涼涵目何臧孫光憲雞鹿山前諸調。

別怨

顧從敬

人別後。飄泊在江城。金屈膝。閒閒不鎖玉搔頭。墜膩無聲。一向

沒心情。

唐詩織女屏風金屈膝。

憶舊

陳子龍

思往事。花月正朦朧。玉燕風斜。雪鬢上金猊香燼。畫屏中半醉
倚輕紅。

大樽諸詞神韻天然。風味不盡如瑤臺仙子獨立却扇時。湘真一刻晚年所作。寄意更綿迴悽惻。

本意

錢旂

江南憶。遲日倦遊初。蘭氣漫漉。前夜酒菜香先護。一床書。此際

意何如。

幽居

董斯張

簾不捲、放脚睡鄉深、幾度覷酸紅杏眼。誰人閒領碧蘭心、明月
是知音、失艷。

纖趾

卓人月

癡看想想殺、是淩波裙底湘江搖、素月鞋尖曉露凝、嬌荷何日
掌中那。
溫段咏繡鞋無此艷刻。
凝讀如舞急紅腰凝之疑。

長安憶故園

錢繼章

江南憶、四月住山家、墜粉亂堆新笋簞、煨泥細壅建蘭芽、松下
焙香茶。

江南憶。菊社酒人多名種。却從題後賞。細香偏耐冷。中過黃蝶

影婆娑。

咏菊似中唐佳句

四時閨詞

趙進美

寒食近。長日雨。廉纖。珊枕錦鬟。欹翠尾。瑣窗絨唾。印紅尖。金鴨

火重添。

阮亭云似繡尖絨舌唾紅酣

新浴後。簾捲。簾紋。柔金井。風微搖鳳尾。玉盤冰滿。薦雞頭。荷露

碎難收。

風乍急。簾額動。雙犀。細雨擁衾紅。浪縐濃香消枕翠。痕低無語。

聽雙雞。

嬌後不禁迴想

殘睡醒。香夢滯。衾窩。眉翠欲添腰。倦倚額黃初正。手重呵寒日。

半窗過。

額黃初拓得撲盡添黃
子呵花滿翠鬟二語

和湘真詞

宋徵輿

思往事、都在酒杯中。羅帳慢懸金鏡月。瓊窗半鎖玉簫風。殘夜落輕紅。

玉簫風與介州
藕絲風並傳

無限意、花月自春秋。芳草半隨遊子夢。東風偏惹玉人愁。愁夢幾時休。

本意

江南好、杜顰牡丹亭。秋夜月來雲五色。春人花裏夢三生。想像見精靈。

江南好、新髻學芙蓉。玉樹啼鶯芳草外。繡衣飛蝶畫屏中。殘夜

舞輕紅

江南好、日影碧窗高、雙靨分紅、搖畫燭、遠山餘綠、視鮫綃、綵嶺

夜聞簫

江南好、難向酒盃忘、殘雨數聲、敲玉枕、飛花一點、逗紅窗、切莫

負春光

芊綿韶麗讀之令人神悅

宿宣和古廟即事

佟國鼎

覓宿處、落日映山紅、百尺松濤、吹晚浪、幾枝樟蔭、掛秋風、歸夢

繞關東

詞品在沐璚湯亂劫間

思家

陸世鑒

遙望處、雲外有斜扉、梅雨試茶、添荳綠、麥風添笋、得鯖肥、榆柳

碧成圍

蕭適似
陸渭南

春夜

李昌垣

春色好、新月小樓東。淺碧池中花霧冷，淡紅闌外柳烟濛。人去翠屏空。

夏夜

閒無暑。洲簟水紋平。曲檻時聽蕉雨驟。小塘微度藕風輕。花下逐流螢。
阮亭云風韻天成不煩追琢

題疑舫

曹爾堪

真曠遠。空碧捲簾收。爲道岸高知是屋。如逢水漲便疑舟。身世可沉浮。

四言

十一

初夏好門外嫩涼吹。筍點斑痕。抽玳瑁水添綠。暈漲玻璃。生結

竹邊籬。

顧菴諸詞有務觀之蕭散無後村之粗豪南宋當家之技

春曉

蔣 階

春欲曉。花鳥逼重簾。紅日倦開新睡眼。粉香啼濕杏黃衫。珠淚

不禁彈。

郊遊

張我樸

選勝處。草際半堆紅。避釣魚貪萍葉浪。歸巢燕語荳花風。應是

禁烟終。

行春遍。舞蝶試香衣。天畔鳥聲雲欲亂。平疇麥浪雨初肥。何處

踏春歸

四時錦帶
中致語

憶夢

徐爾鉉

憶夢時，香霧擁花枝。睡去好無春，管束覺來猶自暗。遲疑枕上

貯相思

睡去句詮
夢奇肆

秦郵有贈

王士禎

江南好，風日近秦郵。銀甲暫停朱閣午，玉笙纔度碧雲秋。扶醉且淹留。

江南好，春暮雨廉纖。魚子天晴初出水，鼠姑風細不鉤簾。底事

惱江淹

鼠姑牡
升也

江南好，最好是孟湖。何處情人名碧玉，誰家亭子號真珠。聊爲

結相於

茗文有詩云珠郎歌罷黛郎歌豈指此耶

江南好。畫舫聽吳歌。萬樹垂楊青似黛。一灣春水碧于羅。懊惱是橫波。

江南好。又過落花朝。玉茗歌殘情歷歷。金堂人散水迢迢。魂去不須招。
似元和相憶鮑湖白傳憶西湖諸作風流獨絕

春思

胡弗

人何處。人在浣香亭。竹影倒籠雙鬢綠。苔痕細蹴半弓青。應是步搖輕。

晚粧

徐允貞

垂雲幕。柳外玉波明。紈扇初停看燕語。犀梳緩掠聽蟬鳴。纖手

摘花鈴

永夏

深院靜。漠漠晚雲青。遠樹星低螢火亂。畫屏風淡燕飛輕。樓外

坐調箏。

能以景
語言情

憶遠

孫枝蔚

無限事。細雨索天饒。一片春心三月水。夜來停漿自搖搖。坐久

莫嫌勞。

細雨索天饒。本山谷楊柳索春饒。句得
來。○阮亭云。春心二語。疑思乃得其妙。

憶昔

王昊

思往事。腸斷舊郵亭。本爲情多將做病。却愁病久轉關情。花落

又清明。

情多二語。字字凄轉。介州魂絕色。飛之論。惟夏更進
一層。不似元獻家兒。乃諱作婦人語。○阮亭云。所謂

倩聲初集

卷一

宛轉

關生

有寄

章臺路。回首憶卿卿。寶屐輕飛雙翡翠。香雲低簇小蜻蜓。嬌語學新鶯。

本意

吳啓思

江南憶。春潤野煙和。燕子不來知雨急。梨花欲謝惜風多。酒醒奈情何。

眼前語拈
出便雋

憶

周積賢

遙相憶。殘淚濕輕紗。斜倚畫樓簾半捲。東風微雨落楊花。腸斷

七香車

東風句說相
憶意神到

虎丘

史策

花洲上紅袖拂楊堤行處低鬟立處躡石邊識路澗邊逃來去
各東西

夏詞

黃京

初浴罷無語踏青苔修竹池頭疎月下艷荷香裏晚風來別恨

怕人猜

疎字從修
竹看出來

晚步

袁揆爕

新雨過遠綠泛晴霞花底春烟迷蛺蝶柳梢殘日帶歸鴉春思
在盧家

阮亭云柳梢殘日
帶歸鴉大好畫意

晨起

高銑

凭曲檻紅到海棠秋。吹頰輕風涼一剪。蕩簾疎雨濕雙鉤。渾是不禁愁。

閨憶

蔣未央

春風路江上柳烟迷。十二珠樓簾半捲。飛燕聲斷月初低。清淚滿征衣。

思昔日

鄒祇謨

思昔日何事到而今。照盡青銅猶有面。燒殘絳蠟已無心。起看月西沉。

阮亭云似讀曲雙關體然是詞家本色語

漁歌子

一名漁父

四時詞

俞彥

暖入水池雲毋澌。東風如炙雨如脂。風笠影。雨簑絲。粧點元真一首詩。

十里平堤古柳中。朝朝暮暮有陰濃。萍鈞艇。趁西東。隨處荷花面面風。

露白蘋香月欲西。人家三五漸聞雞。鳴短棹。過前溪。網得鱸魚蟹正肥。

浪外輕風颭雪花。凍禽兩兩立寒沙。雲黯澹。樹槎牙。小港枯蓬繫我家。

陸放翁詞酒徒一半取封侯獨去作江邊漁父讀此知封侯不易

和漁父詞

吳 充

數尺寒絲帶雨飛。青溪漸漲綠初肥。蓬作屋。芰裁衣。鷗鷺隨人

夜夜歸

千頃蒹葭一釣翁。家居南浦小橋東。桃花水。鯉魚風。短笛橫吹。

細雨中

詹所錄箋菴記自擬元真謂西塞山前一調如江風海雨檣檣生齒牙間此詞亦復何讓

本意

曹勳

雨破萍痕。趁曉烟風。柳影蔽漁船。春酒熟。錦鱗鮮。喚起群雛。爛熳眠。

本意

蔣階

青竹船輕。白浪高。船頭水滑不留篙。蘆葉底。蓼花梢。探釣起候。

夜來潮

漁家瑣事
恰中詞料

題畫

陳鼎

清畫良宵怨百、
無端幽思暗關心、
情欲寄、自沉吟、兀坐桐陰、
碧淺深。

搗練子

本意

俞彥

庭靜悄、月昏黃、
搗練聲高夜正長、
萬緒千絲提不盡、
隨風和恨、
過西墻。

正以淡雅勝人

贈金陵楊姬能

范文光

曲兒高、月兒斜、
春風場上說楊家、
自是調高難得和、
誤將人面、
比桃花。

仲閏續花間集皆書船歌席題贈之詞小序更層次有致博採以誌前輩風流且當東京夢華錄也

春別

葛一龍

纔欲去、且逡巡、耐雨禁風。一日春橋上、飛花橋下水、斷腸人是。
過橋人。

阮亭云：震父詩以空淡爲宗，乃亦能作許語。政如歐公之隔花啼鳥，喚行人也。

初夏

錢繼振

春睡足、落花平、草架茶蘼。送晚晴、梅子弄黃、茶剪翠、柳稍猶賸。
一聲鶯。

饒有別趣

秋夜

周季琬

山闌碧、葉飄紅、破帽重新。側晚風、坐看秋砧、敲月起、十分秋色。
上簾櫳。

晚行

雲淡淡、草淒淒、古道長林。日已西、點點飛紅、成陣去、春山欲暮。

乳鴉啼

可與泰九寒鴉
流水等詞參看

乙亥冬暮曉行

曹爾堪

風欲靜、凍交加、水。嚙霜痕、閣岸斜。流水無聲、波不起、冷烟微月。

寫輕霞

造句
奇穩

憶舊

巢震林

人在否、恨何如、可得分香再捉裾。曾記去年春欲盡、倒人懷抱。

月來初

倒句
好

秋思

孫 鉢

雲影澹、月華濃、水色山光兩岸容。何處高樓人弄笛、一聲吹破、
夢千重。

閨夜

王宗蔚

星耿耿、石悠悠、妾夢依依鸚鵡洲。茵茵冰荷通繡帳、玲瓏碧月下金鈎。

冬夜

敖燾

風淅瀝、影徘徊、雪壓簷花冷玉堆。半夜香消蓮漏永、可憐寒瘦到疎梅。

雨景

朱思玉

烟燼後、雨霏微、又是空庭下夕暉。斷腸消息重門閉、落盡梨花燕不歸。

近語自
有遠致

春閨

黃京

烟縷縷月溶溶。一樹桃花半欲紅。有夢不知郎去處。窗前獨問。

捲簾風。

淡冶似晏小山

桂殿秋

贈金陵姬劉娟

范文光

不在艷。不須多尊前。一擲與橫波。梨花着雨春容冷。應喚金陵。

小素娥。

姬時有姊喪。縞素自艷。徐子招姬醉余酒邊。俊眼甚妮人也。

赤棗子

憶舊

鄒祇謨

紅窈窕。綠參差。小鬟調笑綰青絲。花醉錦屏香雨濕。畫船歸去。

紫簫遲。

阮亭云麗語正復耐思

小令

瀟湘神

俞少卿云以上諸體俱相似實不同宜細辨之

湘女祠

俞彥

湘女祠、湘女祠、靚儼明粧、有所思、春盡落花啼鳥候、淚痕齊發、

去年枝

縹緲悽惋
竹枝遺响

青溪女郎祠

鄒祗謨

青女祠、青女祠、苔碧寒簾聚野麕、蛤鼓蘆笙歸去後、小姑白月

夜題詩

阮亭云偶然奇
峭鬼語幽墳

天淨沙

掬水月在手、和升菴韻

宋泰淵

蟾光搖漾春波、樓前倒瀉銀河、臨水嬌羞無那、忍拈月破、不完

天上嫦娥。

南鄉子 第二體

倦 平又前後不同

陳世祥

重門深閉。細草如烟。烟滿砌。日長睡起。獨凭闌。看鴛鴦雙雙飛去。又飛還。

第四句出韻愛其輕俊存之

和歐陽炯韻

張杞

深苑誰家。淺黃螺色御衣花。風雨入簾香蕩去。迷前浦。門掩黃昏。

春自語。迂公和花間集首首齊韻未免生鑿取其句調妥適自由機杼者錄之正如褚臨王帖蘇和陶詩須

以不掩本色爲佳

歸航

孫自式

倚聲初集

卷一

七

風片○和○烟○無○邊○黃○葉○晚○秋○天○淺○浪○瀾○瀾○孤○艇○沒○昏○黃○月○漁○笛○遙○吹○聲○未○歇○

雨○濕○花○枝○芙○蓉○香○惹○釣○魚○絲○寒○浸○薄○襟○眠○未○得○頻○研○墨○倩○雁○先○傳○秋○信○息○

意自
蕭然

春暮

沈蓑年

芳○草○淒○淒○王○孫○猶○在○畫○橋○西○日○落○汀○洲○蘋○葉○細○風○又○雨○十○二○鴛○鴦○飛○不○起○

與歐陽炯認得行人驚
不起有有意無意之別

春晚

鄒祗謨

暝○色○搖○人○惺○惺○小○犬○吠○花○陰○香○氣○淡○侵○簾○不○捲○紅○雲○暖○宛○轉○春○風○歸○夢○緩○

字字雙

成婦

陳翼飛

長城飲馬嘶、復嘶、古木寒鴉栖、復栖、空床獨守啼、復啼、蕩子從

軍西復西

川雙字意以
重出爲佳

南鄉子

第三體

遙見

陳世祥

烘日錦、炙雲絲、新來蝴蝶認花枝、隔水高樓楊柳院、雙雙燕、鉤
出樓中香玉鈿

夏詞

王士禎

菱刺綠、藕花香、小姑相喚出橫塘、隔浦少年私致語、忘歸去、日

暮水寒飛屬玉

叶

李珣瓊瑤集那得如此幽蒨

賦艷

鄒祗謨

衣繡鳳枕盤龍。妾身能自造春風。濕夢離披香雨。闌燈前照絳
縷添絲和影笑。

阮亭云和影笑比張泌思夢笑更新警

江南春

送春

陳元綸

花惜惜雨申申。勞歸蠶月後景。雜夏雲新。江南城陌遊人盡。添
得深閨眉黛顰。

憶王孫

一名憶君王

又豆葉黃

欄杆萬里心

草

葛一龍

東風吹後滿天涯。繫馬高樓春日斜。歸夢離披隔柳花。不如他
一路青青直到家。

阮亭云擬之春風
吹又生尤妙矣

春暮

程 駘

晴春曉日壓簷牙。睡起空庭槐影斜。何事王孫不憶家。且由他。
閒看狸奴撲落花。

春閨

董文興

空庭芳草憶王孫。高院梅花早閉門。欲報私書帶淚痕。正消魂。
春風春雨又黃昏。

能消幾箇黃
昏同此黯然

春曉

夏 復

斜捲珠簾翠袖垂。曉月重樓人未歸。檀板紅牙懶畫眉。影徘徊。

一種東風幾樣吹

說得東風大有分別

無題

曹爾堪

侍兒新沐避芳叢、整理簪花笑語工。
爲愛新晴垂柳濃、掛簾櫳。
風攪山茶滿地紅、

春懷

楊大鯤

半陰半雨近黃昏、柳暗長堤水遶村。
簾捲梨花壓淚痕、掩重門。
自爇香篝把被溫、

視閒簾深掩梨花雨、掩一捲並覺傷情

清溪

金是瀛

清溪曲曲板橋斜、竹徑松墻是妾家。
不見郎來見暮鴉、撥琵琶。
一點春燈透碧紗、

一葉落

本意

鄒祗謨

一葉落將誰托
春花秋葉同飄泊
花飄妮繡鈴
葉飄繞紅藥繞
紅藥留寫秦樓約

阮亭云是
尋題格

本意

董以寧

一葉落正蕭索
愁歸又被秋半絡
拾來書細忝題成
喚馴鶴喚
馴鶴啣去紅心閣

憶庚寅辛卯間與文友取唐宋諸集僻訓
纂填殆遍刻集十不存五茲更存一二合

體者聊誌唱和之勤且深
悔少年之浪濫筆墨也

蕃女怨
一名番女怨

五更愁

陳維崧

柰亭一夜殘燈警霜濃。省五更風。十年事無形。無影。梅花窻
寧慘人聽。半池水。

阮亭云入情語惟
臨川劇中能之

無題

蔣無逸

落梅粧閣風送暖。江上春晚。玉搔頭。金約臂。斷魂不繫。額山無
限。夕陽黃。惜韶光。

阮亭云額山無限夕陽黃自
是北宋人逸語今才拾得耳

遐方怨

暗香衣袖

柳祇謨

籠月影。拂花痕。小似氤氲。雙袖。梅花暈淡雲。瓊樓隱隱欲黃昏。
慙慙錦瑟也。與微溫。

調笑令

第一體
中調笑

一名轉應曲

又三臺令

調笑

官

冬景

李福謙

歲暮歲暮人在碧雲村。雁聲孤館。江皋雪壓。梅花斷橋。橋斷。橋斷。有客扁舟來慣。

春日

董俞

銀蒜銀蒜。遮了東風一半門。前日影初殘。猶見微峯遠。山山遠。山遠。風送殘紅片片。

西溪子

第一體

不至

陳世祥

留得暮雲千葉葉。都成愁結。倚高樓。山凝碧。人獨立。待不思。量。又憶憶成癡。明月知。小詞工於發端。便轉旋有致。

對鏡

鄒祇謨

郎把蓮花爲面妾把芙蓉爲面
啓香奩開金鑑仔細凝眸數遍
今須辨縱蓮花不如他

訴衷情

第一體

午夜

孟稱舜

午夜沉沉更漏永月三更
人語寂舞弱步塵輕酒暈臉花明
盈○春○愁○驀○地○生○背○銀○屏○
酒暈句不減唐人殘月臉邊明

夏夜

周季琬

簾冷芙蓉香霧細月初浮
燈欲盡煙外隱層樓翠羽壓金鈎
幽○幕○山○相○對○愁○幾○時○休○

倚聲初集卷二

武進鄒祇謨程邨

全選

緡城王士禎阮亭

濟南王士禛西樵叅閱

小令二

如夢令

一名憶仙姿

又宴桃源

此榜

離別

俞彥

剛道行期還未捱到臨頭無計手掌大於船偏少風波微美幾
許幾許又早隔重江水

火樣情兒難駐水樣恹惶難拒忍死割將來步步不如歸去難

處難處。央個夢兒做主。

質不近俗。淺不近。非此少卿勝人處。

蚤春郊居

草綠南原如繡。風軟月華雲驟。時得晚林香。昨夜縹梅春透。微嗽微嗽。驚起避人松牕。

清勝又。是一格。

艷情

卓發之

柳眼欲開波溜。鶯舌乍翻風透。倦體怯羅襦。却與春跌俱瘦。知否知否。昨夜雙蛾半縐。

妙在。淡雅。

艷體

陳子龍

紅燭逢迎何處。笑倚玉人私語。莫上軟金鈎。留取水沉濃霧難去。難去。難去。門外。人深。花雨。

感舊

醅醖宜春瑞甕門外青絲雲擁今夜好思量
搃教玉人珍重如夢如夢滿地落紅催送

前闕情婉而愉後闕意深而愉便知哀樂不同處

賞菊

王嗣奭

白露染丹烏柏滿眼敗葭疎柳百卉總蕭條
只有黃花對酒好友好友共汝歲寒時候

除去荳棚瓜架小圃秋容滿灑酒盡不堪除
摘取金錢盈把休詫休詫儼有白衣來也

詞貴綺逸不可無此瀟灑一種

和湘真詞

宋存標

爲是蓮舟風送菡萏香生衣綫行到錦帆涇
月照吳江烟動如

夢如夢畏聽子規啼重

阮亭云月照吳江烟動清暉幽囑倘恍遇之

前題

宋徵輿

昨夜景陽鐘動雙井碧苦烟重啼盡白門烏依舊秦淮月湧如

夢如夢總被一江湖送

阮亭云使鍾隱入汴後爲之無以過此小樓昨夜又東風後來居上

前題

錢穀

子夜玉壺聲動一段綵雲愁重銀燭透簾櫳着意雙眸相送如

夢如夢銅雀五更霜重

不曾真個也消魂

燕子

吳剛思

春透風光如酒歸燕舊巢相偶門外落紅多啣入尚餘香否應有應有纔過清明未久

紀夢

王岱

密約眼波清溜。私語口脂香透。把袂不勝羞。紺碧石花衣袖如。
畫如畫。梅影月香時候。

暮春

陳世祥

聽說暮春來到。不忍見花成草。欹枕問巫山。又被鶯聲喚覺黃。
鳥黃鳥。有個人兒煩惱。

此調疊語最難推易。安知否知否。第一彼用寔。此用虛。工價相敵。阮亭

云見花成草。亦是前人未及。

江村

曹爾堪

芳蕨桃花江渚。管領漁蓑歸去。唱起竹枝詞。獨自輕移柔櫓深。
處深處。添得半篙春雨。

山樓暮望

周季琬

風送落紅成路。又見鳴鳩拖雨。睡起小寒清。試取沉烟再炷。春暮春暮。垂柳夕陽喧渡。
工於寫景

春晝

王士禛

簾外游絲片片。畫靜碧虛常卷。翠雀下花陰。啄破春陰一線。誰見誰見。清淚朝朝洗面。
碧虛窗也。李後主與故宮人書此中。日夕只以眼淚洗面。與蟻施花瓣一般。

香齋

和李清照詞

送別西樓將暮。望斷王孫歸路。昨夜夢郎歸。還是舊時別處。前渡記得柳絲春鶯。
阮亭和清真詞押韻。天然復自出新。意平綿婉。逸勝方千里之。和清真也。

簾額落花風驟。春思慵如中酒。久待不歸來。解識相思如舊。堪
否。堪否。坐盡寶釭香瘦。末句非如此用
幾爲婦人所屈

春閨

巢震林

箇得殘詩偷和。却把雲箋滴破。無奈着春衣。重看石華新唾。真
箇真箇。繡被半溫愁卧。

風雪大作爲已丑立春第二日

黃永

既是雪花飄泊。又是孟婆作惡。左酒右持螯。仔細與春酬酢。行
樂行樂。以此勸春春諾。雲孫詞着筆婉逸公車諸作獨有
排募之致提辛草陸語語擅場

把酒央春寄語風伯。雨師權恕籬戶矮。千人饑雀寒鴉相覷。何
處何處。春又翻然曰去。兩首一諾一去自爲照應章法離奇
得未曾有○阮亭云兩結句宛然稼

軒等無
差別

咏金絲桃

徐士俊

不是武陵花片。不似天台人面。金屋許藏嬌。檀暈一時浮。渲佳
艷佳艷。猜破色絲黃絹。

咏物
精麗

和舊

計南陽

長樂晨鐘初動。睡熟紫綃嬌。鳳翠輦一時移。十騎紅妝雲擁如
夢如夢。城上烏啼相送。

悽惻可抵子山一賦。阮亭云絕似
通眉生賦江潭苑。末句入神品。

吳江旅泊

周宏藻

潮落岸頭難駐。移泊江心深處。夢破曉山青。失却夜來沙。墜前
去前去。風急雁行無序。

阮亭云亦是
寫無人態

欹枕

吳啓思

欹枕書樓天半。簾外月華飛霰。
暝曉鶯啼喚起。杏花零亂。消
遣消遣。無奈夢回人散。

無題

王昊

翠幌暖香猶在。枝上流鶯堪怪。
卯酒不曾醒。小立柳邊花外。無
賴無賴。消得箇人眉黛。

如何消得。阮亭云小立柳邊花外是秦七語

秋思

毛蕃

楊柳枝頭疎雨。又是蘆花飛絮。
白露下庭除。冷透書梁深處。愁
緒愁緒。燕子啣將歸去。

較燕子啣將春色去。有冰水青藍之妙。

春閨

楊大猷

曉日和鶯催曙捲起一簾風絮無語暗低徊悄立落花深處絲
雨絲雨又送一年春去

着眼在一又字

落花

宗元鼎

連夜小隄風雨吹散落花無主辜負一春心剩得滿園香土愁

緒愁緒簾外一聲鸚鵡

落花何關鸚鵡事咏之自覺有會

春雪

倪晉

道是梨花無筭道是楊花不斷斜啓碧窗看誰禁入簾穿幔掠

亂撩亂虛度春光一半

似嚴蕊咏紅自桃花又似鄭中卿咏梅着眼更在下兩字○阮亭云謝娘

風絮之詞重拈更增婉媚

賦別

董以寧

綺語和郎細誦。紅袖半肩輕擁。忘却漏聲催早。是信雞催送珍重。珍重。此去畫橋霜凍。
文友少工小詞。批筆輒得數十首。清新婉艷。妙不一種。此等作復屢經刪潤。務歸大雅。每自云詞曲之辨。甚微。正不容門外漢輕道。

夢後

董元愷

枝上啼鵲如訴。喚起離愁無數。曲徑古雲深。隔斷夢中來路。回顧。回顧。月約花陰西度。
妙在約字

代紀

錢理

昨夜玉勾仙洞。粲枕桃笙同夢。歷臂羽釵痕印。出一枝飛鳳相送。相送。花底露濃珍重。
靚粧在臂。無此刻畫。

天仙子

平仄二體 一名萬斯年曲

苦雨

陳世祥

織盡雨絲難作匹。巡簷一鳥窺人立。不知天有幾多愁。風恁劈。

冷雲積。應緣誤發殘春檄。

落韻
徒舉

女伴

鄒祗謨

小髻。小鬟。綵綰。夏雲輕。眉淡淡。拂秋煙。杏黃衫子。藕絲裙。誰作伴。

自成群。籠罩東風滿袖。噓。

烟音飢。阮亭云。說春風有情。有色。

風流子 第一體

久別

董以寧

已是別時惆悵。更是而今悄恍。空寄語。未逢歡。愁被春風吹長。

自憐一樣。眼角眉梢心上。

阮亭云。連疊六字。是累其剝蕉手。

歸自譚一名歸國謠

憶別

張天湜

更漏歇。一夜珠簾風自揭。寒鴉影碎梧桐月。玉關征戍音塵絕。當年別江南。鶯語花時節。

秋夜

柯聿

秋樹下。月耿林樾。觀奕罷。柳烟深處魚罾掛。晚波蘸碧層層。瀉無人。畫板橋。一線溪痕跨。
單椒秀澤殊愜神賞

咏菊

徐允貞

飄玉袖。籬畔草高風雨驟。芳心全耐秋時候。輕鬟影瘦君知否。難回首。枝頭零落相依久。

暑夜

龔百藥

紗窗際輕擣守官紅欲膩汗香全是花香氣
離離星滴風來
細流螢墜身兒還怕添憔悴
汗香句視秦處度藕葉清香勝花氣更芬艷襲人

人客虎丘思歸

鄒祇謨

心似鐵撇得銀環拈玉玦風情兩字應偏拙
不如歸去禽聲
噫休饒舌年年啼過清明節
阮亭云銀環玉玦何其險麗○後段絕妙好辭

望江怨

秋闈

呂福生

秋闈悄玉軫虛彈香半裊月到西窗了
銀河一線梧桐杪魂渺
渺料得未天明且自和衣倒

人悄悄

范滂

蘭房曉。絡緯繅絲聲未了。一霎愁多少。桐陰斜壓。闌干小。人悄悄。羅幙手慵開。惟恐驚棲鳥。

山僧

毛羽宸

披荆棘。遇一山僧如怪石。衲被懸蘆荻。稜稜瘦骨清。過墨操藤。立忽問客何來。聲寒花落笛。

公阮詩幽異自賞詞復
瘦削王南雲之流亞

江城子

第一體 一名江神子

無題

沈義年

藕花初起半。江風對南鴻。綠波中。夕陽回首。人在越山東。千里相思吹不斷。羌管落。戍樓空。

定西蕃

春色

沈蓑年

眉黛暗隨春色、新月小、柳芽輕、夢難成、一夜枕香啼濕愁多

夢未醒、錯認黃鸝聲裏喚卿卿

回頭錯應人
下一轉語

思帝鄉

第三體

春雨

陳世祥

都休留春春也羞、樹樹好花落盡似清秋、怕向樓前望見休教
上玉鉤、又是垂楊影裏叫鳴鳩

溜適不復知
調之錯落

長相思

一名雙紅豆

又山漸青

憶多嬌

擬古

俞彥

折花枝恨花枝準擬花開人共卮開時人去時
怕相思已相思輪到相思沒處辭眉間露一絲

阮亭云寫無可奈何之光
可謂非非想僕嘗與程邨

論近代詞人斷當以
少卿爲當行第一

春怨

葛一龍

風一村雨一村風雨蕭蕭獨閉門梨花也斷魂
怕黃昏又黃昏濕透春衫冷不禁啼痕共酒痕

老筆言情
愈實愈古

冬夜

董斯張

酒闌珊興闌珊裘袖摩琴不敢彈一燈相對寒
握雲鬟亂雲鬟低背屏風卸玉環影兒還好看

如小窗孤坐
時颯颯可聽

西湖雨中

陳子龍

黛眉收翠鬟。流壓損芳波。一段愁愁時夢未休。雨浮浮水悠

悠。試問行雲何處留。有人天際頭。

阮亭云黃門西湖絕句有云焚香永夜愁難夢人在

西泠暮雨中一往經綿可與此詞參看

煙雨

黃永聖

烟霏霏雨霏霏。烟雨空濛鎖釣磯。沙禽著岸飛。髮也稀霜也

稀。愁到更深酒力微。夜寒添翠衣。

風情

畢恂

竹打窗花打窗。月溜重門鎖未嘗。流蘇響一聲。酒纔醒夢纔

醒。索性和郎說到明。更見闌不成。

阮亭云無妨僕巧

春暮

徐士俊

桃花飛柳花飛九十春光。一陣飛而今何處飛。鶯兒飛燕兒飛。瓣瓣卽來點點飛。雙單總是飛。
存體

秋風

宋徵輿

月微微露霏霏。陣陣西來無了期。秋心君自知。一更時五更時。玉人低問幾重衣。夜寒爭耐吹。
低鬟私語如聞其聲

木意

蔣階

吳山東越山東山外江湖一派通。烟波隔萬重。來匆匆去匆匆。夜半星光夜半風。相逢如夢中。
義山昨夜星辰昨夜風更當退舍

郊行

陳世祥

閒花風落花風。酒旗安頓小橋東。教人駐玉驄。一重溪兩重。

溪弱柳遮藏曲曲籬黃鶯獨自啼

換韻從王與可
體更雅倩可喜

寄跡荒塢一月感而有作

曹爾堪

溪邊蘆水邊梧我唱新詩與未孤錦囊隨小奴
樽常枯偈常通舊識僧徒和酒徒年來多半疎

荻溪農家

朝來晴晚來晴罩屋桑陰分外清短蔭鳩婦聲
雲須耕雨須耕新織袈衣掩肝輕竹枝歌太平
短歌可入田家月令中

本意

計南陽

柳州輕草葦平只聽行人玉笛聲花飛滿敬亭
山青青水盈盈無限江南夢不成一簾風雨橫
宋祖敘畫云臨春風思浩蕩可以語此

春思

補林章

江南頭江北頭水滿花灣花滿舟花間是妾樓郎東頭妾西頭妾處春波郎處流勸郎休蕩舟

起句錯綜成妙勝元美西湖之作

邱懷

龔鼎孳

似多情似無情玉艷心情是怎生春衫記不明長歌行短歌行多少柔腸揜撮成流鶯只一聲

令貴河清詞玉琢巧心香紅塵此言得無自道

望焦山

程康莊

上金山望焦山潮沒平沙湧翠鬟蘆洲斷一灣白雲還白鷗

還兩岸人家烟水間西風片舸慳

勝情高寄如孟泰軍令駕時

秋夕

暮天晴暮潮平。一片紅霞水底明。漁舟入浦輕涼吹。生夕露。

清依約風傳早雁聲。寒衣催未成。

阮亭云雋列如讀見俞子詩

閨意

胡介

楊花天杏花天。幾處笙歌上畫船。儂來樓上睨花也。烟月也。

烟燕燕鶯鶯。醉醒邊。生過少年。

作情語至此殊令人爽然自失○阮亭云合肥所云

景事之外別有纏綿柔澹之中自多含咀直為彥遠諸詞寫照

遊鶴林寺

潘廷瑞

草芊芊竹娟娟。黃鶴山前問杜鵑。寒林散綠爐景凄然思悠。

然雙樹垂垂。古道邊行人拜米顛。

寺中有唐杜鵑樓遺跡元京基在寺前上有海桐二株

阮亭云辛岳北固詞以雄宕勝此以曠冷勝鶴林寺壁直與唐宋諸賢分席

秋江

程煥

朝露秋夕露。秋朝夕無心。水上鷗雙雙。懶避舟。
楓影幽。浪影幽。長笛橫空散晚愁。清光到小樓。

春宮雨暮

王宗蔚

梨花幽。李花幽。暮雨廉纖鎖翠樓。景陽鐘未收。
人影流。月影流。風捲珠簾入夜愁。淒清垂玉鈎。
風捲句似花
蔡官詞中語

鏡臺

周迅飛

上簾鈎。下簾鈎。螺粉零星鏡未收。口脂香暗留。
曉妝秋晚妝。秋問他今日可梳頭。瓶花曉露流。

見樓頭曉粧者

吳玉麟

讀桃花傳梨花阿誰粧罷半身遮小樓簾欲斜
早離家悔離家箇人何事懶堆鴉玉搔留付他

秋江

周 珽

吳江秋楚江秋江上群峰黛色流晴沙點白鷗
蘆花洲蓼花洲又是西風送客舟天邊人倚樓

春日村居

戈元穎

祝春晴踏春晴縫剪春衫件件輕新紅罵蚤鶯
曉山青晚山青蝶翅拖香過短檣花時懶入城

舟泊

董以寧

片雲留片雲流水遠山長客子愁如何是盡頭
一孤洲一孤洲

舟樵悴天涯黑敝裘相思玳瑁樓

阮亭云兩起句
押妙出天然

秋懷

黃京

蛩聲聲雨聲聲偏是愁心入夜清香箋句未成淚盈盈意盈

盈夢到衡湘峯自青楓林落葉輕

湘靈鼓瑟
似此情恍

相見懽

一名上西樓 又烏夜啼一體 秋夜月 憶真
娘 月上瓜洲

春晴

魏學渠

是誰漏洩春光柳條黃亂落榆錢無數買愁長人千里思兩

地淚成行燕燕鶯鶯故故惱人腸

阮亭云恨被榆錢買斷兩
眉長剛此又釀新見奇

蓮舟

朱赤霜

湖頭日出烟銷下吳舸輕薄吳兒唐笑暗相招何曾應蓮舟

並袖搖搖無奈暗拋蓮子漲紅綃

梁陳採蓮諸曲

河滿子 第一體

偶憶

金是瀛

憶在玉窗金戶如銀曉月西斜城角數聲留不住暗香攜得還家梁上雙棲燕子庭中一樹梨花

春殘

寂寞春殘深院東風一片花飛多少佳期渾負却畫簾見面還

稀願作一雙蝴蝶憑伊繡在羅衣

黃損願作樂中事數語無此蘊藉

訴衷情 第二體

反顧詞意

張積潤

不索伊來單等信也。沉沉重繡裝。枕上曉霜侵空。寄白頭吟悔。
而今換你心爲我心。始知薄倖深。

一思一怨
翻案正佳

調笑令 第二體

賦張巡妾

董以寧

軍中聞笛君寫詩。孤城忿恨妾已知。援兵不至妾終死。妾先
就烹復何辭。妾身原委風和雨。妾命甘同雀與鼠。轅門賜遍
剩丹心。與君自吞須記取。

記取和君語。自讀睢陽聞笛句。縱餘黃土無歸處。莫灑雙雙紅
筋。願日後攜僮中幘。二十四城傳去。

此體始于少游。澤民後
鮮繼者。卓珂月云。前數

語卽沉人實白所自始。讀此悲涼。猶
壯覺前人昭君若手。諸咏猶不及也。

醉太平 一名凌波曲

牕下寫懷

黃承聖

坡邊水聲籬邊鳥聲小。牕梅影斜橫。喜天光晚晴。淋漓墨兵。
粗豪酒兵。讀書不爲求名任霜髯數莖。
酷似陳仲醇

秋夜宿山中

蔣麐

筆床水清。琴床月清。山家也是多情。種芙蓉繞楹。天邊雁聲。
花邊鶴聲。夜呼翠袖調箏。覺秋風頓生。

壽玉虬叔三十

叔別號雲癡

董以寧

蘇仙李仙。張顛米顛。其詩其字之間。許雪癡並肩。書簾茗烟。
琴絃書箋。年年長向花前着。金貂醉眠。
此顏吟竹壽須溪詞更饒秀貼

春心

鄒祇謨

紅樓紫簫紅潮畫橋銅箏十二嬌饒赴東風並騎鳥中六曹

花間一樵教他百舌休嘲任春心捲蕉

阮亭云字
字及麗

薄命女

單雙二體 一名長命女

潛來

吳鼎芳

心怯怯就影潛來花底月還了風流業

悄聲珠簾慢揭認得

湘波裙褶歛笑凝眸紅兩頰故把燈吹滅

阮亭云可
續秘辛

雪夕

郭檀

冬漸少何事關心心自曉人瘦和天老

繡簾茶烟慢透瓊砌

雪光偏皎嬾見梅花初報好又怕春來早

人瘦句語
極透快

感恩多

桐葉

沈騏

有情誰共語。蕩漾隨風去。一葉是良媒。其徘徊。寄相思。飛何

處。傍粧臺。傍粧臺。一片春心託秋風送來。

兩語令金首生動

生查子 第一體

除夜守歲

俞彥

柏酒與辛盤共作。呼噉。景爲惜歲華流。燭跋爐香冷。紅散綺。窗梅翠。瀉磁甌。茗。一夜兩年人。短髭雙蓬影。

秋夜

李雯

風動碧琅玕。翠戶生寒。帳宿鴛鴦繡被雙鸞。獨自擁。

雙鬟不覺銀燈暗。明月下梧桐。玉漏遲金剪。

吹簫

趙進美

雕欄百尺懸。玉樹微風起。深夜紫簫聲。璧月涼如洗。悠揚峽

路猿鳴咽。清溪水。餘響逐行雲。亂落秋空裏。

阮亭云清止繫年作立地成佛

傳奇妙譜緣肉兼精禪悅此居廬陵近作猶想見思曼少年風致也

咏桃花

程靜

晴色謝寒州。盛豔先新葉。波眼照分明。春入桃花頰。艷煞不多時。命薄渾如妾。香影動微微。倖遭蝴蝶。

戲效小晏體

賀裳

郎不怨投梭。儂敢與針棘。錯認惡姻緣。翻得成歡悅。郎贈定

情篇儂報同心結。趁取鵲爐溫去。拜花陰月。

斃語却
有含蓄

閨怨

錢炯

郎如楊白花。風捲東西落。化作水中萍。南北隨飄泊。
妾如堦下泥。步步隨郎足。燕子恰唧來。終歲依依簾幙。

阮亭云從白頭
吟來字字天成

古意

周積賢

長安市上見白面如春雪。一賣綉鴛鴦。一賣花蝴蝶。
胡姬謾學同心結。回眼入瓊房。獨拜中秋月。

是六朝樂
府遺響

閨情

沈案

約伴試鞦韆。眉畫春山遠。的的鳳花明。點額金銀頭。
含笑打顰哥。巧語欺鶯轉。馬上阿誰郎。避立花陰淺。

春暮

蔣無逸

金韉出薊門。白馬嘶春色。回首鳳凰樓。片片愁雲隔。三月小
楊花落遍陰山北。無數薄情人。盡作傷心客。

薄情猶江傷心
鐵石剛猶軟矣

春曉

賀 宿

風剪柳絲長。雨潤苔錢小。殘月落高樓。一點春光曉。昨夜翠
蛾愁。今日來何早。聞說海棠花。片片沾芳草。

今年

周積忠

昔年君在時。兩兩飛春蝶。同倚玉紗窗。不道還離別。今年君
去時。楊柳花如雪。酒後憶前情。那忍看明月。

戲效小晏體

鄒祗謨

影傍青鸞怯香。趁金猊洩。着意爲郎謀。先整龍紋席。溫柔宿

暖風綺艷留香雪。莫待菊花開。吹冷紅簾鐵。

阮亭云摹
幾道逼真

臨淮舟次集唐

董以寧

不見有人烟。孟浩然人烟隔水見。皇甫冉寒葦露船燈。周賀野火明沙

岸。祖永月晚樹陰多。耿湋浦迥湘雲捲。朱慶餘坐看雲起時。王維吳山

中。路斷。方集古一氣癸。泊如出一手

酒泉子 第一體

古意

沈襲年

春到襄陽。又唱銅鞮曲。寶鞭斜銀蕤。熟喚尋香。相逢悞結全

心。舊變作相思。纓柳稍烟花。飛雨望蕭郎。同心舊本
易安詞

醉公子

一名四換頭

好夢

吳鼎芳

好夢輕拋去。朧朧留不住。鶯滑柳絲黃。斷腸流水香。斜日穿花碎。無心薰繡被。春染薄羅裳。催人換曉粧。

阮亭云鶯滑柳絲黃花間舊語

閨怨

曹玘

朝上江樓望暮上江樓。望空漾鏡中波。千帆樓下過。總是王孫友。各有閨中婦。憔悴獨余殘。羅衣懶試單。

本事

賀裳

休把銀燈滅。留解羅衣結。夜夜被伊欺。今須細認伊。恐防鸚鵡聽。眠枕低相應。昨夜不郎瞞。郎無今夜歡。

阮亭云如聞鸚鵡見女子語也

艷情

陳惟崧

小姑牽妹臂。笑奪鴛鴦墜。嬌面向姑斜。黛痕添酒花。碧紗郎。損損偷覷深閨。怎有意。近春膚。自憐非小姑。

低聲添鵲腦。畫角今宵早。一二鼓分明。又聽三四更。五更聽不得。樓外觀風色。淚下來。花衣知他歸不歸。
此等俱其年近
作如徵之雙文

致光偶見諸涼囁囁呢呢正是
銷魂動魄處○阮亭云似韋相

初夏

周積賢

卯色江天白。過盡東西客。夜合又開花。行人不憶家。玉筍風前落。莫唱思歸樂。塞草遠連空。新雛啣碎紅。

新雛啣碎紅。敲
鶯嘴啄花紅。溜

如有初
盛之別

少年

白馬連珠絡。年少多輕薄。踏碎滿階春草。臺花作茵。何處青
鸞。幔簇簇鞦韆伴。醉向酒壚前。杏花春雨天。

賦得美人花下欲挑碁

董以寧

小姑歛衽謝。嫂嫂粧臺下。乞早整蓮衣。花間去賭碁。杏釵多
戴。个停會來輸我。若倩小哥幫輸時。拔一雙。

文友諸詞碁盡
香奩瑣事能稱

宋人所
未到

賦艷

儂心何事惱姐姐。姐姐欺儂小。偷看合歡書。憎儂問起居。好從花
下避。怕見書中字。匿笑不同頭。回頭替姐羞。

阮亭云不癡不
慧曲盡情性

蝴蝶兒

本意

董以寧

蝴蝶兒。抱花棲。片魂方逐曉雲迷。東風輕護之。
小院閒來舞。嬌娘故做癡。惱他香粉惹郎衣。揮巾欲撲伊。

柳枝

第二體

一名太平時

一名賀聖朝影

遊仙

俞彥

曾伴湘靈碾翠軒。下瑤京。貪看碧杜與紅蘅。會群娛。
夜香雲。軟霞衣薄。五銖輕。三十六陂空。水明晚風清。

顰美人

吳洪化

小玉粧成新破瓜。髻堆鴉。嬌羞雙頰淚生花。暈朝霞。
明知不。

夏夜

錢 嫌

簌簌風敲簾箔。想是桐花亂落。紗影浸窗牖。月三更。幽夢迢迢清迥。爲甚欲成驚醒。無賴數聲鐘。在牆東。

春光好

一名愁倚欄令

又鵲沖天

閨憶

周 積賢

東風起。百花殘。小樓寒。嬌鳥一雙睡裏隔簾看。

何處玉笙吹

斷數聲。飛上闌干。獨枕龜茲愁夢短。淚空彈。

壽王諸子刻畫
花間能得其菁

華處故麗句
與宋人有別

妝罷

錢 理

雲影薄。月痕輕。曉妝成。剛喜春風吹送賣花聲。

綺戶珠簾乍

捲瑤階。羅襪微行。坐愛小庭新綠。覆聽流鶯。

風神
流麗

本意

沈義年

春光好。小樓晴。畫筵明。簾外海棠花影自相迎。

燕子雙飛何

處。玉人頭上風輕笑。倚新粧。尋阿母。眼潮生。

生查子 第二體

擬孫光憲體

俞彥

淹抑悶。青春拖逗情。紅淚鑄錯作心兵。難把愁城碎。

枕衾餘。

花月對。慣做醒然醉。曾問杜康無此酒。何名類。

慣做醒然醉
五字括却言

愁子

萬語

春閨

張一鵠

愁生芳草烟。不共飛花掃。雛鳥試春嬌。睡起添煩惱。粧已成。
香未了。簾捲晴光好。一望柳條新。遮在斜陽道。情語不。
減。淮海。

女冠子 第一體

春日

陳世祥

相思獨自不及雙雙燕子。鎮相憐。花影動催日。爐香嬾續煙。
夢中空有淚。鏡裏更無言。任他飛燕子。不閉簾。

秋日述懷

曹爾堪

淡煙濃水。正值江南秋美。力田嘉。小巷晴收孺。山厨晚煮瓜。
鵝黃家醞酒。猩赤手栽花。一雨重陽近。覺寒些。

如讀梅都官
詩平淡處佳

辛卯被放避喧淑水山庄

黃京

新黃舊綠點染書圖一幅且盤桓濁酒尊中滿青山戶外看
丹楓紅似火秋水碧于巒暫作烟波長學垂竿

玉蝴蝶

秋詞

沈蕤年

越羅初試新涼小院菊花香塞雁一雙飛江天暮雨黃玉鈞
斜綉幔金釧背蘭缸夜色近重陽銀河秋水長

于溫
和可
稱入室

醉花間

相見

鄒祇謨

憶相見羞相見相見重相怨潮暈透輕紅窈窕遮紈扇細語
蹙蛾彎伴羞安翠釧喚住車金車再認春風面